



DS
793
S32 P656
1882
V.2

册	2
卷	1-3

平遙縣志卷之一

地輿志

平遙爲陶唐遺墟地僅百里而西通秦隴北達燕京
洵乎腹地要區邑稱繁劇也秦漢以降稱平陶至後
魏而改稱平遙焉我

朝定鼎以來幅員之廣超越前代平特彈丸之區耳而
溯中天之盛尋封國故處猶見遺風未泯也是故仰
觀於天而知分野之所屬俯察於地而知疆圉之所
在而且東南之超山聳翠聿助文明西北之汾水環

流足資灌溉使其勤儉克持古道可以長存奈何俗
尙浮華奢風竟致靡極也尙望賢良司牧振風厲俗
力返古初醕樸之風焉斯幸矣

沿革

平遙古陶地帝堯初封於陶卽此春秋時屬晉戰國時
屬趙秦漢始稱平陶屬太原郡東漢屬西河郡晉仍
屬太原後魏以太武名燾改爲平遙屬西河後周省
隋復屬介休唐屬介州貞觀初屬汾州後屬太原府
宋真宗仍屬汾州後屬太原金元復屬汾州明萬曆

二十四年改汾州爲府仍隸焉

國朝因之

沿革續編

禹貢屬冀州

爾雅釋地兩河閒曰冀州蓋舉東河西河言之古黃河自大伾山西南折而北界充冀之閒爲東河折而西界雍冀之閒南流爲西河

周職方氏屬并州

河內曰冀州正北曰并州馬鄭注虞夏書並云舜以

冀北廣大分置并州

春秋時屬晉

古地名之見左氏春秋及國語禮記者曰隨曰鄆曰
九原隨介休東境即平遙西境鄆介休東北境即平
遙西南境九原平遙東境今絳州北二十里有九原
山和順縣西北五里又有九原山忻州西有九原岡
地志皆援國語禮記之文考漢興增陵於九原下故
曰京陵因左氏春秋其處者爲劉氏而推本於士會
漢猶近古以士會之葬在此或未盡無稽且與士會

之食邑在隨地相比近則趙文子與叔向所遊宜繫
之此矣再酈道元水經注云侯甲水西北流逕祁縣
故城南又西逕京陵故城北於春秋爲九原之地無
疑

秦漢始稱平陶兼京陵中都二縣及鄆縣地並屬太原

郡

平陶故城在今文水縣西南二十五里京陵城在縣
東七里中都城在縣西北十二里而鄆縣之地自晉
永興後分入平介兩縣矣

北魏奄有并州諸地徙置漢平陶縣於今縣境改陶曰遙京陵省入焉別置中都於今榆次縣境

元和郡縣志平遙本漢平陶地案漢平陶故城在今

文水縣境西南魏雖徙置西北境猶漢故地地形志

所謂平遙城者即漢平陶城也又案今平遙縣城北

二十里及文水境五十里及文水縣城而漢平陶故

城在文水縣西南二十五里於今縣境爲甚近可見

平陶故城雖入文水平陶故地未必盡入文水也舊

唐書地理志魏因太武名燾遂改陶爲遙唐魏王泰

括地志中都故城在平遙縣境西北爲漢舊縣榆次
縣東十五里亦有中都城蓋北魏所置之中都與漢
中都遠隔

隋析置清世縣大業初省入焉屬西河郡

隋書地理志西河郡平遙開皇十六年析置清世縣
今之城當卽隋之清世也蓋平陶京陵中都舊志及
府志各有指地惟清世無稽今之縣治又不知建於
何時以此參考其爲清世可知

唐以隋西河郡爲汾州爲平遙屬汾州之始汾州隸河

東路

唐書地理志河東路汾州領縣五平遙其一也舊唐書地理志汾州隋西河郡義旗初領隰城介休孝義平遙其年割介休平遙二縣屬介休郡武德元年以介休郡爲介州西河郡爲浩州三年改浩州爲汾州貞觀元年以介休平遙屬汾州天寶元年改爲西河郡乾元元年復爲汾州

宋仍屬汾州靖康後地入於金

宋以太平興國四年滅北漢始有其地而靖康以後

即入於金自宋以後雖汾州之所隸代有不同而平遙爲汾州屬縣則皆相因不改

明升汾州爲府仍隸焉

明史地理志平遙初屬汾州直隸布政司萬厯二十三年升汾州爲府屬山西承宣布政使司又設冀南道駐此平遙仍屬焉

國朝順治三年冀南道裁隸冀甯道餘因之分野

禹貢冀州之域星分參井鄭子產曰堯遷實沈於大夏

主參臺駘能業其官顓頊嘉之封於汾川蓋臺駘汾神實沈參神也則汾之屬在參又通志云太原參井今雲中代郡皆度入東井上黨高都爲觜參之屬陶舊太原應在參井之間

通志曰太白屬金西方之星也辰星屬水北方之星而三晉興焉續漢志注曰辰星主常山主冀幽并太白金主奎婁胃昂畢觜參唐書實沈以負西海其神主於華山太白位焉大梁以負北海其神主於恆山辰星位焉又曰燕齊侯辰星占虛危晉亦侯辰星占參

伐秦晉好用兵復占太白邊塞數侵獨占辰星雖其說微有不同而西方金位北方水位則固不易之論也

朱太史之俊分野辯曰分野之說原妄古今相沿不得不從也外史曰聖人別九州而紀地所以配天之文也非緣星而紀也星辰之茫昧未嘗屑屑然而爲之分誠哉是言今以分野宮度論之明厯畢六度過申西厯畢八度過申明厯井八度過未西厯井初度過未是申宮并無井度矣且參七星伐三星共十星

參原十度觜止半度今

西洋

厯增觜爲十度而參度反

刪其九則在天止有參星一度耳參星雖削晉益猶

附則今晉益屬參無疑也益實是蜀蜀與晉相隔甚

遠而分野則同亦如齊魯接壤而魯屬西方奎婁之

分齊屬北方虛危之分中隔亥宮三十餘度宋衛接

壤而衛屬北方室壁之分宋屬東方房心之分中隔

燕吳齊三宮九十餘度地近而天遠之地遠而天近

之皆理之不可曉者若謂益不係蜀作阨字解則十

二宮中竟缺四川一省矣再詳之

汾陽志曰汾古西河地冀州之域春秋以晉屬參未
始專以參言汾也及秦以西河隸太原郡亦得繫之
太原畢分太原昴畢分星也唐以西河屬河東郡亦
得繫之平陽參分平陽觜參分星也史記謂秦地於
天官東井輿鬼分野其界內有西河則西河又得繫
之井分星矣山西通志謂觜參實沈之次於辰在申
晉魏之分也而井宿附焉晉天文志曰自畢十二度
至井十五度爲實沈分野據山河以考之汾地西河
北距太原界七十里太原晉魏分也得不分星畢乎

南距河東平陽界百二十里平陽魏分也得不分星
參平西距陝西吳堡界二百九十里吳堡秦接西河
分也得不分星井平按宋史天文志參星十度右足
入畢十三度又參九旂星在玉井東北玉井四星在
參西左足下東井南軍市十三星在參東南觀其鈎
連曲屈之狀夾維環拱之勢是汾雖主參而得於畢
者十僅一之餘得於井者十則二之餘又不得以疆
界遠邇爲概也在左氏子產雖曰堯遷實沈於大夏
主參臺駘能業其官顓頊嘉之封於汾川由是觀之

西臺駘汾神也實沈參神也此汾陽舊志所引而止以
南汾屬參野殊未之深考矣則爲汾志天文之言者宜
東曰汾在天文參度下入井分二之餘而兼畢分一之
餘焉論斯允當歟如有按星經詰之者曰星有星氣
氣有初有中有終度有度里凡天一度爲二千九百
三十三里七十一歩二尺七寸四百七十八分分之
三百六十二試察汾地所受星氣之各有淺深所占
度里之孰爲廣狹乎則將應之曰星家有專術是則
闕焉以俟後之達天學者

汾州志云晉天文志自畢十二度至井二十五度爲
實沈魏分野則汾固冀州之域天文參之度也大都
地有名鎮天有分星謂汾屬參野者固不敢不然謂
汾必屬參野者亦不敢盡然此其理介在可知不可
知之間哉惟修其在人者聽其在天者則幾矣

疆域

東至祁縣盤陀八十里

南至沁源縣界六十五里至沁源二百二十里

西至汾陽縣界四十五里至汾陽八十里

北至文水縣界二十五里至文水八十里

東南至武鄉縣界六十里至武鄉二百里至潞安府三百八十里

西南至介休縣界三十里至介休八十里

東北至祁縣界二十五里至祁縣五十里至徐溝縣一百一十里至太原府一百九十里

西北由汾陽文水縣至岢嵐州三百里

江南路自縣而東南達之陸路二千四百里

京師路自縣而東北達之陸路一千三百里

山川

超山在縣東南四十里一名戈嶺山一名鍋山視諸山獨異以其超出故名其巔廣平週圍百餘步環抱奇秀按彖記高三百三十六丈橫一百餘里

麓臺山在縣東南四十七里一名蒙山又名謁戾山其高無比山勢甚雄山海經云龍首山西三百里曰麓臺爾雅云山足曰麓土高曰臺

紫蓋峰在超山東巖下常起光紫色如蓋故名

萬松嶺在超山南其山列嶂如屏黛色撲人又上下盡

松每風至濤聲謖謖然

文殊頂在超山北舊傳有文殊閣在其上今廢或云文殊菩薩曾歇腳於此

清光峰在超山東峰常放光照徹山谷如玉海銀闕其發無時

觀音坪在超山之西

寶塔巖在超山東日落時紫色照耀即從此巖下起或云塔藏舍利也

鍋山在縣東南五十里上有塔

平遙縣志

卷之一

源池水在縣東南十五里平地湧泉其清可鑑分流灌
溉民田北注中都西入汾水以源上有祠故俗名源
祠每春秋致祭

中都河在縣東南三十里出谷中按圖經云源出中都
谷橫嶺下西南合源祠水經城南往西入鄆城泊復
入汾河灌漑縣西十三邨明崇禎年山水暴放隄壞
由縣東北注灌下八邨

亭岡水在縣南二十八里石巖中出圖經云此水自亭
岡谷北流入中都河

原公水一名賀魯水出自超山下湧注東北流隄引灌田三十餘頃隄在永泉里黎基邨西南

嬰澗水在縣東三十里水經云謁吳之山嬰澗之水出於其陰

魯澗水在縣東二十五里由朱坑邨西注灌漑東郭龐莊二里民田合嬰澗水入長壽河

汾水在縣西北汾陽界按水經云源出太原晉陽山管涔谷自交城文水入本境向西南經汾陽介休界其水勢暴猛遷徙不常渰沒民田多被其害

長壽河在縣北三十里出自南山經祁縣入本境西注

合汾水一名沙河每夏秋泛漲瀾漫多至沒民室廬

田畝而長壽邨爲害尤多

越谷在超山一名郭谷

龍泉一名應潤泉在超山龍王廟禱雨立應

白龍潭在縣西南洪谷禱雨靈應武亮有記稱其谷上

通縣山兩崖對峙壁立千仞巨潭天成皎若明鏡

附記

至元乙酉秋七月旣望故人王信臣踵門而告予曰
距五里之南地約兩舍有谷曰洪上通縣峰下達汾
州兩崖對峙壁立千仞長松古柏蒙翳乎其間奇禽
怪獸鳴乎其內谷有巨潭名曰白龍潭潭周石皆巍

然非人力所致一出天成波瀾不驚皎若鏡清淵乎其深而不可測也其或夏潦秋潢過之莫混其潔凡順流之石輒匯於他所中亦不納若有神物護持土人敬而畏之雖婦人女子莫敢澣濯於其內咸謂適經歲旱禱於斯未嘗不雨也宋末有好事者作新廟於斯潭之上仍以廣禪侯額揭之每遇六畜之災亦許禳謝其應如響兵塵之後化爲焦土破瓦頽垣無復存者而荒煙白露蒼莽滅沒獨餘廢址於榛叢莽草之中過者太息伏自昇平以來各立神祠於本所遇重午則祀之是歲夏六月旱甚予率里中父老奉香紙牲酒之禮詣焉旣而予乃周旋俯視魄動神竦忽失足而墜之偕行者倉卒欲援無所措手予雖驚懼特潭水不入於口而中心灑然須臾若有物負之而出獲全其命得非茲神之祐歟踵未及旋而雷雨驟作於是病者蘇憂者樂秋稼以稔念無以答神貺將欲刻文於石以示不忘囑筆於予累謝不敏則請益堅蓋祠所謂廣禪使者按搜神記宋真宗祥符七年駕謁亳州大清真宮夜次孤山店時御馬皆病不起

帝怪而問之此地有何神祠土人以通聖郎君答之具述靈異遂封之次侯爵馬亦頓愈俗有呼白牛將軍後人所在爲之立祠觀其潭之所以名白牛者則不知祠因是名而立之耶抑潭因是祠而名之耶是皆莫究其詳宜置勿論然推其所請雨之意蓋古之雩祭必以山川百源爲禱祈之始故諸侯得祠其境內凡後民之禱祈者亦莫之禁焉至於吾之請雨之誠不爲不至惜乎觀潭之際忽隕於不測之淵幸全生於垂死之餘至於忽報之神或委之命則異乎吾所聞夫古聖賢其於登高陟險臨深履薄未嘗不兢兢戰戰爲後世之戒吾蓋欲俾後之遊斯潭者亦有所驚焉故並書以告來者明年十月望日本縣直學武亮記並書大元至元二十三年王京立

百福井在超山百福寺旱禱雨卽應病者祈飲多愈

孝感泉在西汾邨元沁帥杜公唐臣夫人王所鑿唐臣

客沒夫人歸葬故里水苦澁不可飲夫人指示令人鑿之得泉甘冽以供蘋蘩自是歲時承祭用之鄉里重焉因名爲孝感泉夫人左丞文定公母也

山川續編

據府志

超山西北距縣治四十里麓臺山以西至此皆古過山也超山之名起於唐天寶六年以水經注證之山卽汜山矣其谿澗北入過嶺水山有元遺山題名石云己亥秋八月十有四日自太原道往山陽留宿於此東山元好問裕之題溫仁甫有後序

麓臺山西北距縣治五十里嬰澗水出焉西北入侯甲
水其水西北流散於原野酈道元以山海經謁戾之
山嬰侯之水當之文獻通考汾州平遙縣下云有麓
臺山有嬰澗水劉嶠遊麓臺山記云山無林木衆壑
參差千岩一色頂上方石平置纍纍如九層臺麓臺
得名或以此峰

過山西北距縣治四十五里魏書地形志太原郡平遙
縣下云有過山是也過讀如戈魯澗之水出焉西北
流二十餘里散於原野其西爲戈嶺有谿澗東北入

侯甲水

風俗

土瘠民貧勤儉質樸憂深思遠有堯之遺風焉詩傳參爲

晉星其民有先王遺教君子深思小人儉陋水深土

厚性多剛直史記晉魏以降文字盛興并州近北俗尙

武藝杜氏通典人物輩出代不乏人皆有文武全材太原圖經

平遙地瘠薄氣剛勁人多耕織少商賈健訟尙侈雖

唐堯遺墟而婚喪尤奢尙望當事者抑焉汾州府志其民

純儉節用有陶唐之風慷慨好義髣髴子夏干木之

遺烈

宋謝棕清
虛觀碑記

風俗返樸而還醕人物居仁而由義

雖云去古以益遠猶有陶唐之遺意

元伶思賢
安樂會詞

四禮

冠禮不行已久海內皆然不止一郡邑也

婚姻六禮多不備始結婚或金二十帛四食盒二或金

十帛二食盒一或金五六或無帛必設席徧招親友

家長親納於女家女家回以靴帽等物名曰定親

納采或銀一百二十兩或八十或六十二三十不一

幣帛衣服布繇等物家長亦親至女家女家但回饅

首等物於食盒而已 親迎無所謂奠雁御輪合卺
諸儀及期婿以羊酒綵轎轎夫皆紅衣大帽綵旗鼓
吹火炮騎鎗二對或四對盛妝男女各二人名曰娶
客親迎女家設筵請內親宴至昏與婿花紅亦盛妝
男女各二人名曰送客兼致金銀首飾衣服等物新
婦父兄抱新婦上轎至婿門用相禮人撒帳以五穀
門傍設草二束覆之以紅帛燃火以祓除不祥新婦
背鏡步則藉以紅布或生絹新婿執弓矢至垣中天
井翁姑拜祖先新郎新婦皆却立不拜寢門限置馬

鞍取平安也牀頭豫設柳斗入將男女所執物皆納其中食新婦以拌麪湯夜燈不息忌三日不掃除親友賀多書喜聯貼門外次日新婦拜合家及諸姑姊姒人饋手巾一諸姑姊姒酬以銀或帕無所謂廟見者女家先期數日送妝奩什物稱其納采之禮十日新婦歸甯數日後女家晏新婿新年婿以猪首酒食盒拜妻父母父母贈之以金

喪禮初喪時卽成服弔客尊者送孝帶等輩給以孝巾每七日作佛事葬日始設銘旌奠用鼓吹演戲陳芻

靈幢紙男喪祭方相氏女喪祭引路菩薩來奠賓客
旁親朋友代宴名曰歇主奠禮或豐或儉不一至親
帶客來奠禮銀十數兩作祭幛及發引以僧道鼓吹
導喪多不祀土亦多不題主葬畢三日則祭於墓小
祥大祥除服亦祭於墓

祭禮唯元旦設影清明中元上墳墓其四時若生日忌
日亦多缺然不講有吉慶則祭祖於墓

論曰冠婚人道之始喪祭人道之終一失則求我庶
士殆其謂之或至披髮而祭於野矣夫豺獺皆知報

本况於人乎婚唯繁豔喪尙虛文忠信之道衰而風俗偷薄維持世教者可不一化導移易也哉

前令楊公廷謨曰平遙土壤瘠薄風氣剛勁人多耕織少商賈習俗簡樸獨婚喪二事尙奢多未協禮傳云觀民風者奢則示之以儉儉則示之以禮夫禮者中而已矣如婚禮人道之始豈容疏簡但自古荆釵裙布亦可成禮而明太祖誥云婚禮論財蠻夷之俗奈何以紛華相軋其聘財之多大家頓費百金次五七十金再次三四十金完婚之日又備粟麥百裝馬

價三四十金猪羊油麴鶩鴨雞兔俱以次排列鼓吹
甚劇樂舞成行宴會通宵華筵綺麗卽廚唱之賞亦
數十餘金其合家羣役等類亦費數十餘金猶且互
相爭角頗不如意卽油污客衣毗睚客面如此惡俗
相競成風其迎婚俱用火砲尤其費渺而害鉅者也
先是萬厯二十三年知縣周公大舉崇儉會昭明禁
約遺風猶踵覆未變當事者任崇儉會嚴加申飭庶
俗可還醕而民趨樸茂矣又如喪禮乃送終大事傳
不云喪具稱家之有無乎無奈侈麗相高富厚恃具

動備華細旛紙數百餘杆妝飾象馱儀衛引路顯神等類繁豎盈街鮮然耀目甚至扮戲雜劇毛女撒蓋之飾祇供觀娛哀戚蕩然如此濫費巨者不吝千金細者不減百金從未聞有賻贈之風自經崇儉會舉婚友隣里方有助訃之儀僅革誑布之誚其無益之費尙因仍而未盡革閒有婦媳之喪女父母家需索孝禮輒誣包娼寵妾駕讐成貪此習尤爲痛恨司風化者欲下慎終之令布甯戚之規則有申明崇儉之法在

生子三朝蒸饅首餽外家以報喜九日外家送粥米襍
衣衾枕彌月外家以銀鐲首飾綢帛遺其女以銀鎖
衣帽衾裯遺外甥親友亦有作幛文并銀物往賀者
俗節

正月立春日食春餅元旦設祖考影於堂祭之親友於
近者未明相拜賀是日忌掃地三日後相宴會自元
日至二十五日男女皆輟業初五日晨起紙糊婦人
襍塵土掃出名曰送窮初八日各祭本命星官初十
日以麪餅置牆根名曰賀老鼠嫁女十三日以米麪

茶灑屋上食寒鴉祈其不害豆田也元宵街巷設松
柏棚多祭三官神張鐙火扮社夥以天官賜福故十
七日婦作針指名曰刺蛭蜒二十日夜設祭名曰小
添倉二十五日夜設祭名曰大添倉一月內忌糊紙
背二月初二日午祭天地夜哭焚紙錢於門外三月
初三日未明以柳條掃牆書禁帖於壁以除蝎寒食
日不舉火祭祖先於墓設鞦韆婦女戴紅花子結夜
哭於門外四月初一日門窗貼紙葫蘆雄雞狀戴於
首日辟瘟疫端陽食角黍飲雄黃菖蒲酒以艾插門

或戴於首繫五色綫餽簪以角黍夜哭於門外六月
以新麥飯祭天地初六日夜哭於門外二十四日夜
哭於門外七月初七日於田禾上掛花紅紙條以辟
冰雹夜放河鐙以濟鬼十五日以瓜果穀蔬祭於墓
夜哭於門外中秋夜以瓜果月餅祭月餽簪以月餅
瓜果重陽蒸花糕祭天地餽簪以糕夜哭於門外十
月初一日夜焚紙錢寒衣哭於門外冬至早祭天以
米糕夜焚紙錢哭於門外十二月初一日食炒麩亦
曰辟瘟初八日食臘八粥二十三日祀竈以糖瓜除

日早食糕晚留飯至元日食名曰隔年飯夜哭於門
外凡哭者皆係婦人名曰鬼節謂是日亡人來故哭
耳至期滿城皆然邨落亦爾或并代之俗長征不返
戍婦遺哀相沿至今乎崆峒詩曰底是鄰悲并巷哭
雲中明日是新年又逢君莫唱雲中曲臘月雲中更
斷腸正謂此也

寒食舊俗

縣山寒食事相傳已久說者以唐人禁煙訛爲介推如
日暮寒宮傳臘燭輕煙散入五侯家及連昌宮詞初

過寒食一百六之句引爲証佐然介推廟祀今處處
有之邑西門外祠傳自金元有以也縣上每歲清明
尙寒食三日其情甚苦豈唐禁獨留一邑乎陶西南
窰頭諸邨以近縣山尙存此俗蓋貞士之遺風感人
如此李文正西涯樂府云五蛇上天一蛇蟄縣山經
月火不滅君侯恩重翻爲仇不如放作山中囚君侯
有臣亦非少貪天之徒但自保臣心見母不見君誰
言母死非君恩今辰何辰夕何夕留與千年作寒食
亦何恫乎其有餘悲也

平遙縣志

卷之一

氣候

遙民農事種植以秋爲重麥則十之三耳人食麥者率少食穀者多然每歲收割後貧民并穀亦不可得雜以豆黍爲米麪及菜羹度日而已日兩餐爲常婦女織紡作粗布地氣早寒入夏尙陰濕八月則冷九月則衣裘縣靖節詩所謂風氣先寒者也或霜降在七月八月則秋成難望八月無霜則百穀俱登

習俗

二十年以前士民樸慤里巷宴集及婚賀吉筵率絳帽

短衣相聚席閒不以爲野近歲稍趨繁豔人厭醕龐
士大夫衣冠楚楚有京洛閒遺致細民效之坊里成
風鮮衣纓帽無復往時固陋之習而古意無存

平民尙義

民風氣雖強勁然極易感化急公尙義出乎其性令長
或少有負屈則一呼百應羣起而鳴如其私親者然
伶豫章安樂會詞云風俗返樸而還醕人物居仁而
由義自古如是蓋北方之節槩汾并之遺直也

小人悍愚

遙俗健訟固其本習至平居里閭及市井之閒片言相
左拳毆挺擊刃刺輒石齊下唯恐不死或以睚眦或
以語言或以數十文錢致殺傷者率以爲常故命案
日日有之及陷罪當坐則懵然而已至於受笞公堂
忍死吞聲不出一乞憐哀語杖刑之下亦不移地尺
寸卽有痛楚弗堪滾離所伏階墀地或上下左右者
鄉里率薄鄙斥下之以爲非笑此人終世爲親故所
不齒當杖之時父兄持瓦石立堂外謂之曰汝如敢
移那尺寸地卽非吾子出衙吾卽立斃汝矣以故忍

死受責如木石人者其悍且愚如此蓋天下所無也
而畏官府復如神明云

斗逸縣志

卷之一



孤受資...木...人...且...蓋天...也...

平遙縣志卷之二

建置志

畫疆定制建置在所宜備如資捍衛則賴金湯之鞏
固肅臨蒞則恃公廨之宏闊利行人則非橋梁無以
濟其急通商旅則非市集無以聚其貨他若坊表之
立以資觀感坊里之分以定井疆平雖葺爾者區而
萬家煙火鬱鬱葱葱使蒞斯邦者望而知爲富庶之
鄉何莫非我

朝深仁厚澤有以貽之也平邑地屬繁劇凡諸建置備

卷之二
載志乘第恐歲月既久垣墉有時而弗固泥沙壅塞
道路有時而不通則城池縣治橋梁市集坊表坊里
尤宜隨時整飭加意修葺焉是所望於守斯土者

城池

舊城狹小東西二面俱低周宣王時尹吉甫北伐玁狁
駐兵於此築西北二面明洪武三年重築周圍十二
里八分四厘崇三丈二尺濠深廣各一丈門六座東
西各二南北各一後建敵臺窩鋪四十座景泰初知
縣蕭重修正德四年知縣田登修下東門甕城又築

附郭關城一面嘉靖十三年因河衝城角十九年舉人雷潔監生任良翰督率築完得免寇患三十一年知縣沈振又修西北二面厚七尺高六尺築北門甕城四十年沁州同知呂堯卿署縣又加高南城六尺四十一年知縣張稽古因寇犯邊急砌甕牆更新門樓各豎匾題士民頌德立碑於縣儀門外左隆慶三年知縣岳維華增敵臺樓九十四座俱用甕砌仍於六門外剗吊橋立附城門僉夫防守各垛口設團總官四員督之其衣裝盔甲火器火藥鉛子弓弩之類

無不備具教場內立碑紀焉萬厯三年知縣孟一脈
用甃石包城四面視往倍固萬厯五年知縣董九仞
廣植樹木於四壕修葺圯壞萬厯二十二年知縣周
之度申請撫按動本縣民壯修築東西甕城者三皆
以甃石自是金湯鞏固保障萬年矣至

本朝康熙二十三年七八月閒因霪雨損壞知縣奉天
黃汝鈺捐俸補修屹然完固共計城牆二十五丈城
垛一百二十三垛康熙三十五年七月知縣王傑補
修南門甕城二丈三十六年六月補修下東門北外

城小樓一座本年六月二十八日補修上東門外南城六丈餘三十七年三月補修北城四丈餘三十九年四月知縣王綬補修西城二丈餘四十年七月補修上東門甕城四十一年五月補修北面城二丈餘小城樓一座四十二年四月補修南外城二十餘丈皇上西巡大駕經過建修四面大城樓四十三年正月補修南外城三十五丈四十四年四月補修上東門大門樓併門洞四十五年二月沿城植槐柳

城池續編

縣城自康熙四十五年增修補築後百數十年來未經修理以致牆垣坍塌敵樓傾圮濠橋填塞幾無影形道光三十年邑侯劉公涖任預防髮逆卽邀董事諸紳捐貲重修遂於是年十月興工東西北五門悉仍舊基補築惟南門高加數尺四隅敵樓亦較舊制而高廣之其餘照舊數重建之環城挑濠深如舊度而加以寬砌石橋七道又於下西門北面添修水閘一道於各城外置灰厰一處沿濠栽植楊柳咸豐六年冬工始竣工料之費十二萬緡有奇同治六年六城

上增建炮臺各一座每置大礮三尊迄今三十年來
環城濠道漸形壅塞而惟西北兩城爲最夏秋水漲
並西邨渠溢往往汎流入城同治十二年西城士民
捐貲先將西城濠疏濬之光緒六年又濬之北城士
民復捐貲疏濬北面城濠自是金湯永固保障萬世
矣

縣治

縣治在城中之西舊制大門三間萬厯十九年知縣何
其智更爲甌洞上建譙樓三間門內東寅賓館三間

萬曆二十五年知縣周之度于大門外東修觀風樓
萬曆四十七年知縣楊廷謨以無儀門復建大門二
門後土地祠三間儀門三間東西角門各一間儀門
內中觀政亭西重獄北女獄又西北輕獄公堂五間
東一爲錢糧庫西一爲武備庫堂東贊政亭一間西
鑾駕庫一間東吏戶禮三房十一間西兵刑工三房
十一間公廨在西三房後縣倉在公廨北縣宅在正
堂後縣丞宅在正堂東典史宅在正堂西萬曆四十
八年復改築監牆砌以甌石儀門外兩旁修賦役房

七所以便里老收糧大門外東修彰輝亭陰陽醫學
各一閒西修申明亭一閒縣門前路西空處修管支
馬戶轎夫房總鋪司共九閒順治十二年知縣汪麗
日衙門東修鐘樓

縣治續編

光緒五年夏知縣恩端整修花廳正房三閒七年知縣
錫良整修二堂五閒耳房一閒東西門房各三閒宅
門東西耳房二閒花廳南房三閒向南二閒東房三
閒有補修縣治誌列入藝文

洪善驛舊在縣東北二十五里洪善邨自裁驛丞缺後

移縣治西北

僧會司在太子寺

道會司在大興觀

陰陽學在縣治左路北

醫學在縣治左路北

演武場舊在下西門內養濟院東北知縣張恪改於西

門外建演武亭三間旗纛臺一座

寅賓館二所在治南路西乃西河書院故地路東一所

係義學遺址改自何年無卷可稽光緒二年汪公守
正宰斯邑見棟宇傾圯不足以蔽風雨集紳耆敦勸
重修乃修正亭五間東西房各三間南儀門一座過
廳三間前院東西房六間大門一座其外車門東向
達於街街心建轅門二座謂之大公館南接二公館
規模略同惟前院南面無門路東三公館房院亦相
似而地形較狹凡閱三歲而成工費錢共五千八百
六十千零出自鄉里按應差官馬均派經理督工則
歸紳耆劉泰沅等官吏未嘗經手

社學卽古小學遺意窮鄉下里民間子弟得師以誦習
實有賴焉合城內外凡十所一在下東門外一遊駕
邨一香樂鎮一洪善鎮一武邨一岳壁邨一陳家莊
一甯固阜邨一王家莊一杜邨知縣王綬捐俸設今
廢

義學以卹寒士也在縣治東南康熙二十三年知縣奉
天黃汝鉅捐俸創建計地一畝五分正堂三間東西
廊各三間大門一二門一小房三外砌以甎牆延師
教訓以居士之貧而志學者大門額曰義學二門曰

入門之始堂曰聖功堂左書室曰下學上達右曰孝
弟謹信後中堂曰爲山一簣義學學田知縣黃汝鉅
設歲計租課所入以爲館穀之需地歸文會坊免其
差徭正賦輸官計尹邨馬鋪民地四十畝七分一厘
價銀四十八兩八錢五分集福里五甲人張斗星賣
今歸文會坊一甲義學每年輸租二十石三斗五升
五合個人張維傑契券禮房存案上西門外五里民
地二十七畝一分三厘價銀四十兩五錢宣化坊三
甲人范玉振賣今歸文會坊義學每年額租一十三

石五斗本人租種於康熙二十六年十二月內增置
契券禮房存案認糧一石六斗二升七合八抄義學遺址
改爲公館學田禮房與官禮生分種

坊表

冀南保障坊在縣治南知縣孟一脈建

肅察坊在察院左

貞度坊在察院右

激濁揚清坊在察院前知縣陳所學建

道貫古今坊在文廟左

德配天地坊在文廟右

太和元氣坊在文廟前

雲路爭先坊在文廟前南城上知縣周之度建

一方保障坊在城隍廟左

萬姓睥睨坊在城隍廟右

迎祥坊在十字街左

縣治坊在十字街右

忠昭日月坊在關帝廟左

義貫古今坊在關帝廟右

進士坊在縣前爲進士劉黼建

翰林坊在縣治東爲進士任良弼建

都諫坊在縣治東北爲進士任良弼建

經元坊在縣治東北爲任良弼建

褒榮坊在縣治東北爲勅封都給事中任惠建

恩榮坊在縣治東北爲勅封戶部主事劉然建

攀桂坊在縣治東爲舉人任義建

奎光坊在縣治東爲舉人陳輝建

文魁坊在縣治東爲舉人陳越建

重光坊在縣治東爲舉人陳廉建

蟾光坊在縣治東爲舉人李頤建

擢桂坊在縣治西爲舉人冀玉建

鵬程坊在縣治東爲舉人閻泰建

騰蛟坊在縣治東爲舉人閻尙志建

文奎坊在縣治東爲舉人李穎建

禹門世奮坊在縣治東爲舉人雷潔建

激揚坊在東察院西

維風式化坊在縣治西爲節婦李氏建

坊表補遺

貞烈維風坊在縣東北梁官邨爲烈女郝氏建

坊表續編

冰霜勵節坊在縣治下西門內爲節婦雷應元之妻張

氏建

九重裒義坊在達蒲邨李家堡西北爲卽補知府李箴

視之母

欽賜一品夫人趙夫人建

橋梁

堤堰附

文津橋在縣東八里聚賢莊

濟遠橋在縣西十里城西鋪乃古西河橋也

惠濟橋在下東門外道士劉真貴郭清甯糾首劉澤民
安爾邦等六百餘人募緣創建太原傅徵君青主先
生有碑記之至康熙三十六年六月十九日水大發
衝壞沙堤知縣王傑發穀一百石修葺糾首趙達仕
范涵監生郭柱礎閻世醕張榮顯道士侯冲麓等募
化一千餘金更向南接四洞未就復因水壞知縣王
綬發穀陸拾石錢萬餘補完因其堤路未穩再令住
持糾首起工重修又捐俸銀肆百兩工始竣沿橋種

槐柳一望青蔭與城郭相接行人過者如華陰道上
然內糾首張榮顯獨助石工銀叁百兩

堤堰

中都堰在縣東南河古西流後洪善驛告分飲馬水北
注嘉靖十三年水衝城角生員李濮具呈守道准修
築堤水仍西流免患舉人雷潔監生任良翰等督之
萬厯四十年復衝壞至四十六年知縣楊廷謨助粟
修復倍加堅厚行免病涉而民享其利至崇禎年間
堤又壞北流西注已數十年所矣

汾州府志云中都河古跡向西流後因洪善驛告分
飲馬水久俱北注嘉靖十三年山水泛漲衝壞城東
北角生員李濮等具呈守道參政趙准呈修築堤堰
水仍西流城始免患舉人雷潔耆民成奈等督工萬
厯二十六年北邨田相等爭分水利告守道麻准行
本縣魏知縣躋議將大河之水西邨使水七分許田
相等分一小渠使水三分用石砌渠口以防衝決後
因修造不堅二十九年以來山水泛漲渠口衝塌水
獨北流西邨郭從賢等與田相爭水累訟三十六年

西邨溫大安等爭水與田相互告守道徐蒙批河水
流行何常惟其所決中都河之水想可西亦可東北
者往年魏知縣從北鄉之請分水澆灌定以三七分
何嘗不是當時或未審西北地形之高下亦未審離
城之遠近耳今勘得西高北下水勢順非些微土石
之所能堵一遇泛漲必至潰決河水盡北甯直西之
民無水之利而北之民且有水之害矣今縣官議塞
渠口非爲西民興水之利實爲城隍官道計耳是或
一道而田相等徑呶呶不服又云距城尙遠倘於城

壕非切膚之災則與其盡塞莫若量開興利除害工夫全在堰口行本府知府王道一并同知趙士際踴議地形西高北下水向北易向西難仍照前三七分水衝決之處厚加堵塞使水全力西注但於堤中開一小口細流向北修砌水口務極堅固西北兩邨均受水利無水害矣此舉工費頗鉅一勞永逸在縣長留心耳

橋梁續編

惠濟橋建於康熙初年自雍正迄咸豐歷百數十年地

心愈高橋腳愈低每當山水暴至往來文報幾於不通同治己巳知縣馬邀集紳士張福田等數十人募化重修光緒四年工竣其庵仍舊補葺橋獨加高數尺又於庵之西牆外築以厚垣庵之東牆外新開一道以防河水衝決

萬柳橋在武邨西雍正十一年建乾隆四十一年補修道光六年重修春日溝內綠柳成林里人恆攜酒聽鶯於是

濟南橋在七洞邨南乾隆十六年建嘉慶三年重修

扶風橋在七洞與吉星樓對峙

賀蘭橋在縣治東光緒二年重修

利涉橋在段邨河西同治十二年建

永固橋在卜宜雍正五年建咸豐二年重修

普濟橋在普洞邨乾隆二十二年建嘉慶三年補修道

光十五年重修

永濟橋在蘇家堡邨北同治閒任康泰等因灌地建凡

三孔孔各有閘用水多寡可以由人

汾河渡橋每年秋後則搭之上自蔣家堡下至營兒里

約六七處

玉帶橋在縣東南鄉十五里趙邨王溫溝東西六十餘丈上下一百二版橋東有關帝廟其神極靈道光二十六年重建同治七年加橋數尺光緒八年補修

坊里

邨落附

文會坊在縣治東北

武甯坊在縣治西北

里仁坊在城中東

積善坊在城中西

餘慶坊在縣治東南

宣化坊在縣治南

宣教坊在縣治東南

宣德坊在縣治西南

忠孝坊在縣治東

德盛坊在縣治南

永泉里

泉樂里

長泰里

和順里

永安里

嘉慶里

豐盛里

吉昌里

兆康里

臻祥里

集福里

佳瑞里

普淨里

居仁里

由義里

遵化里

正道里

東安里

西甯里

北清里

公平里

行善里

襄城里

康阜里

龐公里

仁和里

靖樂里

明信里

和同里

獨半里

三屯里

東南鄉

尹會邨

岳壁邨

黎基邨

西泉邨

梁家坡底

代管九龍溝

半邨

下溝西

偏城邨

代管牛郎溝

梁家灘

梁家寨

菓則溝

代管

西坡邨

寨則邨

雙井邨

南石渠頭

卜宜邨

干坑邨

城南堡

梁邨

西源寺

東源寺

趙壁邨

東泉邨

代管

天池邨

雙廟上

南莊兒

圪塔邨

西坡邨

代管

雲家莊

水磨頭

上千莊

代管

瓜莊

山崖底

任家莊

坡頭邨

木瓜邨

遮胡邨

南胡邨

東坡河西凹

代龍峪兒管

趙家莊

上店鎮

東戈山

西戈山

梅回落羌頭

源神廟

大小郭家坡

郭休邨

辛回邨

喬家山

東青邨

西青邨

侯壁邨

修馬邨

飛沿邨

長邨

東趙邨

西趙邨

邢邨

小汪邨

代管

董家莊

朱坑邨

蘇雷程家莊

代管

溫家底

胡四角

韓石黑堡邨

代管

瓜河底

黃倉邨

代管

莊和溝菓子莊

侯賈莊

南嬰澗

代管

許家莊

北嬰澗

東西崖窰邨

細腰邨

代管

南坡上

大王邨

東郭邨

代管

細堡上

西郭邨

代管

小城邨

金莊邨

南龐莊

汪湛邨

莊則邨

陰溝邨

代管

坑塔邨

吹雅莊

大虎禪

宋家嶺

山坡頭

曹壁邨

代管

青沙邨

上汪邨

東善信

西善信

東坡邨

路牛邨

石城邨

東堡邨

西堡邨

西南鄉

南姚邨

北姚邨

南三狼邨

梁周邨

北三狼邨

東豐依邨

西豐依邨

魏樂邨

王智邨

南官地

淨化邨

魚市邨

平遙縣志

卷之二

建置志

六

蘆邨

北莊邨

曹家堡則邨

曹邨

李世邨

北良如壁

橋頭邨

安甯邨

杜邨

代管

平道頭
水策凹

下神南

四十畝

侯冀邨

弓邨

堡和邨

南羌邨

南良如壁

普洞邨

陳西莊

代管

希賢莊

阮廉莊

代管

棗令令

段邨

代管

斜坡兒
細腰兒

常堡邨

代管

上雨後
青沙兒

下雨後

邢家莊

安社邨

代管

門四神

七洞邨

梁趙邨

大胡邨

小胡邨

代管

杜家莊

閻壁邨

道虎壁代管 南王莊

高林邨 靳邨

范邨 軍寨邨代管 棗樹皮尙莊 董莊

永城邨 林泉邨 落武邨 落依邨

東北鄉

五里莊 尹邨 金陵城 東遊駕

西遊駕 南政邨 侯郭邨代管 新莊邨

道備邨 王家莊 白家莊 郝邨

宋家堡 門世邨 長壽邨 西堡邨

李家橋 東堡邨 賈家莊 梁官邨

東西山胡

桑曹冀邨

柏生邨

代管

坑塔邨

郝開邨

白城邨

桑閭邨

郝洞邨

郝家堡

洪善邨

小閭邨

大閭邨

興盛邨

欽賢邨

冀郭邨

府底邨

西良黑

東良黑

郝喬邨

郝溫邨

長則邨

下汪邨

桃園堡

羅鳴後

東莊邨

閻良莊

代管

飲馬邨

北龐莊

桑城邨

閭邨堡

襄垣邨

西北鄉

娃留邨

李邨

閻家莊

蔣家堡

劉家莊

代管

任家莊

達蒲邨

東莊邨

西莊邨

王郭邨

岳封邨

蘇封邨

三家邨

三家堡則邨

西王智

北官地

中官地

薛賢邨

郝家堡

來城邨

武坊邨

香樂邨

羌城邨

銀固阜

南堡邨

油房堡

左家堡

梁家堡

任家堡

灘頭邨

薛家莊

靳家莊

青樂邨

安國邨

雲家莊

郝莊邨

趙坦邨

桃洞邨

西鳳落

東鳳落

西張趙

東張趙

南侯邨

蘇家堡

西北侯邨

東北侯邨

閻長頭

杜家莊

新邨

任莊

回回堡

東良莊

西良莊

東南良莊

西南良莊

薛家堡

招賢邨

市集

衙巷二市

十字街一市

市樓街二市

東街二市

西街二市

大西城二市

小西城二市

南門街二市

洪善鎮在城東北二十五里

上店鎮在城東南六十里

甯固集在城西二十五里

范洛集在城西北三十里

朱坑集在城東二十里

長壽集在城東北三十里

梁宮集在城東三十里

增補坊表

清標彤管坊二一爲侯岑妻馬氏建一爲侯以乾妻劉

氏建

平遙縣志卷之三

食貨志

洪範八政食貨爲先漢書一部食貨是志誠以國本所係民命所關非細事也是以首詳田賦則正供無闕焉次及戶口則生齒日繁焉推之倉儲所積必驗顆粒之盈虛權稅所入必稽征收之增減以及國課攸關鹽法兼重土地所宜物產漸增我

國家休養生息數百年矣若地畝戶口徵解存留以及倉儲權稅鹽法物產是皆政治所及不容漠視茲採

通志卷之三
輯續志因復細加考核詳註原委俾後之君子按籍
可徵焉至於若者宜清查若者宜補築則尤惟守土
之責也夫

地畝

官民地共一萬一百六十四頃二十七畝一分三釐六
毫二絲四忽內更名地八頃順治十二年清出無糧
民地一十五頃二十八畝六分康熙二三年開墾地
三頃一畝二分三釐六毫二絲四忽

地畝續編

平遙實在熟地共一萬三百九十二頃五十八畝四分
一釐七毫四絲五忽七微三纖一沙二塵各徵不等
共徵折色併草馬絲絹租等共銀六萬四千一百七
十七兩八錢七分五釐一毫六絲三忽九纖八沙八
塵九渺七埃九漠內

民田原額及迭次清出地畝共地一萬二百六十九頃
八十四畝八分五釐八毫四絲五忽七微三纖一沙
二塵共徵折色併加增馬草絲絹等銀共銀六萬三
千七百七兩四分六釐九毫六絲三忽九纖八沙八

塵九渺七埃九漠

更名田共地八頃共徵租銀五十兩

屯田

太原左衛軍屯坐落本縣共地一百一十四頃七十三

畝五分五釐九毫該糧五百二十六石三升五合二

勺五抄共徵銀四百二十兩八錢二分八釐二毫

屯田續編

屯田共地一百一十四頃七十三畝五分五釐九毫共

平徵折色銀四百二十兩八錢二分八釐二毫

戶口

按萬歷四十八年軍民戶二千八百一十二男婦口共八萬三千九十三至我

朝康熙十二年歷五十餘載崇禎十七年遭闖寇之瘡毒順治六年經姜逆之蹂躪今覈實數戶四千一百八十七男婦一十萬四千八百二十二人民之繁庶直埒臨淄七萬戶矣

實行差三門九則共八五萬一千六百八十五丁各編不等共該徭銀七千八百八十二兩二錢五分八釐

內有康熙六年審編增出新丁二千三百九十三丁
共徵徭銀九十五兩七錢二分康熙十一年審編增
出新丁二千二百八十丁俱下下則每丁五分共該
銀一百一十四兩又前項各色民田地內有外州縣
寄莊地畝該徵銀六千三百八十四兩一錢一分三
毫三絲不徵民差每兩徵地差銀一錢五分六釐八
毫四絲五忽六微四纖共徵地差銀一千一兩三錢
一分九釐八毫七絲一忽五微順治十二年清出土
著人丁二十六丁俱下下則共一兩三錢順治十四

年清出紳衿優免供丁七百丁俱下下則共三十五兩

戶口續編

遵照乾隆三十一年編審之數刊造實在共人五萬二千九百九十六丁除紳衿優免本身五百一丁外實行差人五萬二千四百九十五丁又迭次清出七百二十五丁通共實行差人五萬三千二百二十丁以三等九則均派共徵均徭并辦買本色顏料加增共銀八千一百五十三兩九錢八分一釐五毫又地

差銀八百六兩四錢二釐八毫七絲一忽五微共銀
八千九百六十兩三錢八分四釐三毫七絲一忽五
微內於乾隆元年詳奉 題允歸入地糧徵收

咸豐年間清查戶口查得戶四萬二百三十八口共三
十二萬九百五十九

光緒七年清查實在戶二萬七千九百二十口十七萬
七千三百四十二

蠶桑

官民桑一萬五千五百七十六株五分二釐每株折銀

九釐四毫五絲一忽三微四纖共徵銀一百四十七兩二錢一分八釐九毫九絲五忽九微

蠶桑續編

光緒七年知縣錫良奉札補種桑株在修志經費項下提銀三百兩爲桑種之資

徵解

實徵夏秋糧五萬二千五百四十七石三斗七升一合一勺一抄二乍四圭共徵銀六萬三千三十三兩七錢三分四釐九毫二絲三忽四微六纖九塵

萬厯年間加增豐贍庫夏秋糧六十石四升五勺四抄
每石徵銀一兩六分三釐二毫五絲六忽五微九纖
二沙九塵六渺二埃馬草五束六釐每束折銀八分
共銀六十四兩二錢四分三釐三毫

額徵地下通共銀七萬二千五百八十五兩九錢三釐
二毫九絲八微六纖九塵內本折起運 戶部項下
宣大王糧農桑地畝王田等項共銀四萬一千一百
八十兩一錢七分九毫六絲七忽三微八纖四沙九
塵內宣府鎮銀二千五百七兩四錢四分二釐大同

鎮銀一萬四千九百八十二兩四錢五分八釐

王糧銀一萬三千七百三十六兩八錢二分七釐七毫
加增豐贍庫銀四十二兩九錢六釐六毫二絲一忽九
微五纖一沙三塵

農桑銀一百三十兩三錢二分六釐二毫

地畝九厘銀九千一百二十四兩一錢五分七釐七毫
更名地銀五十兩

屯糧銀四百二十兩八錢二分八釐二毫

顏料改折銀五十四兩一分七毫五絲

清出無糧民地銀六十二兩九錢六分三釐七毫九絲

五忽四微三纖三沙六塵

土著新編銀一兩三錢

實在人丁銀三十一兩九錢五分

紳衿優免供丁銀三十五兩

禮部項下羊價藥味紙價等銀一百兩七錢五分二毫

腳價銀一兩六錢一分三毫四絲五忽內羊價銀二

十七兩腳價銀一錢七分九毫一絲

藥味銀七兩二錢一分腳價銀五錢三分七釐八毫二

絲五忽

北羊銀一十兩六錢五分八釐一毫脚價銀九分七釐六毫

果品銀五十兩脚價銀七錢五分

歷日紙價銀五兩七錢一分五釐每年加閏月銀一錢六分七厘一毫脚價銀五分四釐一絲

兵部項下柴直銀一百七十兩脚價銀八兩二錢一分五毫內柴薪銀一十二兩五錢脚價銀五錢一分五釐九毫

直堂皂隸銀一百五十七兩五錢腳價銀七兩六錢九分四釐六毫

工部項下柴夫木柴胖襖等項共銀一千八百八十七兩二錢三釐六毫八絲四忽腳價銀六兩九錢一分七釐一毫一絲內柴夫銀一千一百兩八錢八分腳價銀四兩二錢五分一釐四毫二絲四忽

木柴銀四十七兩四錢九分三釐七毫五絲腳價銀四

錢八分一釐

新舊胖襖銀五百八兩四錢一分

軍器銀一十六兩五錢

麂皮五十七張折銀三十四兩二錢腳價銀三錢八分

七釐四毫八絲六忽

屯田司料銀一百七十九兩七錢一分九釐九毫三絲

四忽腳價銀一兩七錢九分七釐二毫

舊額存留項款奉文節年裁扣並裁官經費等項共解

部銀三千三百一十三兩八錢六分六釐六毫三絲

內舊編裁剩銀二千兩二錢三分五毫三絲

順治九年會議裁扣銀三百五十九兩一錢二分

順治十二年裁扣銀九十二兩

裁官經費銀六百二十七兩三錢一分六釐一毫

裁訓導喂馬草料銀一十二兩

裁減各衙門吏書工食銀一百五十七兩二錢

裁驛傳道快手工食銀一十二兩

裁廩糧六十四兩

奉裁教職俸薪等銀一百三十七兩一錢二分

奉裁守南道快手工食銀三十六兩

開懇荒地糧銀一十五兩二錢一分九釐五毫七絲七

忽六微七纖六沙

康熙六年審編增出徭銀九十五兩七錢二分

奉裁大造黃厯紙張銀一十一兩一錢一分八釐一毫
康熙十一年審編增出徭銀一百一十四兩

置買造解綢絹并本色顏料鋪墊共銀七十一兩九錢
五分七釐一毫脚價銀二錢七分六釐六毫九絲內
置買造解潞綢銀二十六兩三錢二分三釐三毫脚
價銀二錢七分六釐六毫九絲

絲絹并鋪墊銀一十六兩七錢三分五釐一毫八絲七

忽五微

本色顏料并鋪墊銀二十八兩八錢九分八釐六毫一

絲二忽五微

徵解續編

平遙地丁共徵折色銀七萬三千一百三十八兩二錢

五分九釐五毫三絲四忽五微九纖八沙八塵九渺

七埃九漠

一額外共銀一千四百二十七兩三錢六分四釐

一又於永甯州驛跔下剩裁減項內支給馬匹并加增

草料銀六十八兩一錢三分三釐二毫二絲九忽九微九纖九沙九塵九渺六埃

以上通共實該銀七萬四千六百三十三兩七錢五分六釐七毫六絲四忽五微九纖八沙八塵三渺三埃九漠

按賦役全書起解

戶部正賦裁扣裁官經費併額外隱漏顏料折價核減
停止鋪墊奉裁驛站及土鹽稅等項共銀四萬九千
四百七十五兩七錢九分二釐二毫九絲六微八塵

三渺六埃五漠脚價銀一十六兩七錢三分七釐九毫五絲五忽解正賦內

戶部地丁徭銀四萬一千九百三兩四錢五分四釐一毫八忽八微三纖三沙七塵三渺七埃九漠

禮部羊價藥味紙價等銀一百兩七錢五分二毫

兵部柴直銀一百七十兩

工部柴夫木柴胖襖等項共銀一千八百八十七兩二

錢三釐六毫八絲四忽

一又解置買綢絹銀四十三兩五分八釐四毫八絲七

忽五微脚價銀二錢七分六釐六毫九絲又辦買本色顏料併改折價銀五兩五錢七分三釐六毫五忽八微九纖六沙四塵八渺四埃四漠脚價銀五錢三分四釐八毫九絲八忽八微一沙五塵八渺二埃存留

本省兵餉共銀一萬八千六百八十六兩八錢二釐一毫八絲六忽八微內三關兵餉銀八千二百四十兩四錢九分八釐九毫六絲九忽七微七纖四渺四塵省營兵餉銀六千七十兩九錢二分一毫六絲

汾石等營兵餉銀七千三百七十五兩三錢八分三釐
五絲七忽二纖五沙六塵

原額站銀三千九百三十四兩五錢八分三釐六毫

不敷奉文在於本縣起運地下內王糧項下動支銀七

百六十四兩五錢九分三釐八毫二絲共驛站銀四

千六百九十九兩一錢七分七釐四毫二絲內驛馬

七十二匹協濟馬七匹馬夫三十九名半共該工食

草料銀二千八百四十四兩

募夫八十六名共該工食銀一千五百二十三兩九錢

一分七釐四毫二絲

防夫四名工食銀二十八兩八錢

驛丞紙紅銀二兩四錢六分

官支銀三百兩內每年照勘合差使廩給口糧并車牛
腳價銀兩支給外下剩銀兩按季起解 驛糧道項

下

驛遞過往差使向多需索車牛折乾等項里民車戶時
被其害莫敢誰何邑令陳公以恂涖任痛切此病凡
經過者每親押車輛送至隣境夫牛始免鞭朴之苦

康熙十二年五月內有秦中奉調入都者驛騷過甚
丁役俱傷陳令不避鋒刃卽通詳各

憲又親率士民面陳毒苦蒙

憲示嚴禁不許擾害勒索後之過此者始稍稍守法里

民安堵如出湯火

本府皂隸七名工食銀四十二兩

本府斗級二名工食銀一十二兩

本府同知薪銀改俸銀三十七兩四錢四分四釐

心紅紙張銀二十兩

門子二名工食銀一十二兩

皂隸一十二名工食銀七十二兩

燈夫二名工食銀一十二兩

本府通判快手八名工食銀四十八兩

本府儒學膳夫銀一十三兩三錢三分三釐三毫

知縣俸銀四十五兩

心紅紙張銀二十兩

門子二名工食銀一十二兩

皂隸一十六名工食銀九十六兩

快手八名工食銀草料銀一百三十四兩四錢

燈夫四名工食銀二十四兩

禁卒八名工食銀四十八兩

修理監倉銀二十兩

傘扇夫三名工食銀一十八兩

轎夫四名工食銀二十四兩

庫子四名工食銀二十四兩

斗級四名工食銀二十四兩

民壯五十名工食銀三百兩

縣丞俸銀四十兩

門子一名工食銀六兩

皂隸四名工食銀二十四兩

馬夫一名工食銀六兩

典史俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

儒學教官俸銀三十一兩五錢二分

齋夫三名工食銀三十六兩

膳夫銀一十三兩三錢三分三釐三毫

門斗二名工食銀一十四兩四錢

教官喂馬草料銀一十二兩

洪善驛驛丞俸銀三十一兩五錢二分

皂隸二名工食銀一十二兩

接遞甲皂二十名工食銀一百二十兩

走遞馬騾二十六匹頭工料銀六百七十六兩

館夫四名工食銀二十八兩八錢

歷日紙價銀一十五兩六錢二分四釐

文廟啟聖鄉賢名宦等祠二祭銀七十六兩

邑厲壇三祭銀一十五兩

鄉飲酒禮銀七兩五錢

孤貧冬衣布花銀一十八兩

迎春神牛酒席銀三兩

習儀拜牌霜降紙燭銀二兩一錢六分

本府進表什物銀一兩五錢

鋪司兵四十九名工食銀二百九十四兩

歲貢盤纏銀二十兩

起送赴考貢生酒席銀六兩

修理城垣一十五兩

進士牌坊銀二十兩

舉人牌坊銀四十兩

本府起送應試生員并遺才生員盤纏銀二十五兩

府縣朝覲本冊什物銀六錢二分二厘

膳錄書手盤纏銀二兩

餞送舉人會試盤纏等銀二十四兩

存留續編

存留本省額編兵餉銀一萬八千七百五十三兩三錢三分五釐一毫八絲六忽八微內

省營兵餉銀三千七十兩九錢二分

三關鎮兵餉銀八千二百四十兩四錢九分九釐

汾石等營兵餉銀七千三百七十五兩三錢八分三釐

存留驛站實支銀四千七百六十七兩三錢一分六毫四絲九忽九微九纖九沙九塵三渺六埃內

洪善驛馬騾七十九匹頭馬夫三十九名半歲支工料銀三千二百六十四兩九錢一分二釐

廠夫九十名歲支工料銀一千二百二兩三錢九分八釐六毫四絲九忽九微九纖九沙九塵三渺六埃

官支銀三百兩

存留派解司併本縣官俸役食工食雜支照裁定銀一千五百七十一兩一錢三分七釐內

文廟并各壇廟春秋祭品銀七十五兩一錢八分

邑屬壇祭品銀十二兩

常雩禮祭品銀三兩

關帝廟春夏秋祭品銀二十一兩二錢八分

文昌廟春秋祭品銀一十五兩七錢八分

朔望行香銀五兩六錢

時憲書紙價銀一十五兩六錢二分四釐

進士牌坊銀二十兩

舉人會試盤纏銀二十四兩

舉人牌坊銀四十兩

鄉飲酒禮銀一十五兩

起送赴考貢生花紅銀六兩

孤老冬衣布花銀七十五兩五錢一分八釐

膳錄書手盤纏銀二兩

本縣知縣俸薪銀四十五兩

門子工食銀一十一兩三錢九分二釐

皂隸工食銀六十九兩六錢

快手工食銀四十五兩五錢六分八釐

件作工食銀十八兩

賦役全書無此款

禁卒工食銀六十四兩

繳扇夫工食銀十七兩八分八釐

轎夫工食銀二十二兩七錢八分四釐

庫子工食銀二十二兩七錢八分四釐

民壯工食銀二百八十八兩

更夫工食銀三十兩

斗級工食銀二十二兩七錢八分四釐

捕役工食銀四十八兩

迎春神牛酒席銀七錢五分

賦役全書無此款

儒學教諭俸薪銀四十兩

儒學訓導俸薪銀四十兩

廩糧銀六十四兩

齋夫工食銀十八兩

膳夫工食銀十三兩三錢三分二釐

門斗工食銀十八兩

典史俸薪銀三十一兩五錢二分

門子工食銀六兩

皂隸工食銀二十四兩

馬夫工食銀六兩

鋪司兵四十九名每名工食銀六兩共銀二百九十
四兩今裁併歸驛站

以上工食雜支等項與賦役全書及舊志有增減不
同處改自何年未及詳考

倉儲

常平倉在縣治西康熙三十四年知縣王傑添建廩房
五間

倉儲續編

常平倉原設廩房四十九間年久失修坍塌過甚遺址

尚存倉內額儲粟穀暨借撥各縣倉穀共三萬七千石除道光二十八年清查盤出歷年霉變穀一萬四千餘石外應儲二萬二千餘石截至光緒二年十月初十日止均已奏銷動用無存

社義二倉原儲穀石於光緒三年大祲時知縣汪守正盡數借給貧民歸於民欠豁免案內報銷六年由省善後局奏撥銀八千三百兩爲買補社倉穀石之需七年知縣錫良督同城鄉紳耆估買粟穀六千四百三十四石三斗七升四合二勺分儲各邨補足社倉

原額今將四鄉儲穀各邨按照署內清冊詳列於後

東南鄉

邢邨

二十九石九斗一升四合

源神廟邨

十四石四斗四升二合二勺

黃倉邨

二十四石七斗五升八合

坡底邨

十八石五斗六升八合五勺

飛沿邨

十四石四斗四升二合二勺

辛邨

二十四石七斗五升八合

梅槐落羌頭

十八石五斗六升八合五勺

東坡河西園

十八石五斗六升八合五勺

坡頭邨

十八石五斗六升八合五勺

上店邨

十四石四斗四升二合二勺

常邨

十八石五斗六升八合五勺

木瓜邨

十八石五斗六升八合五勺

雙井邨

六石一斗八升九合五勺

任家莊

十二石三斗三升九合

南胡邨

二十四石七斗五升八合

梁坡底

三十九石二斗

侯壁修馬邨

二十六石八斗二升

郭休邨

二十四石七斗五升八合

青邨

二十四石七斗五升八合

戈山邨

二十四石七斗五升八合

東郭邨

三十石七斗三升七合

西郭邨

三十石九斗四升五合

東趙邨

七石

西趙邨

七石二斗二升一合

喬家山

三十六石一斗一升五合

東北依澗邨

儲曹壁等十邨穀二百六十八石五升三合五勺汪湛等十邨穀二百六十八石五升三合五勺

梁邨 儲岳壁等八邨穀二百六石八斗二升

東泉邨 儲升會等八邨穀二百八十四石四斗九升合九勺

干坑邨 三十石六斗
北石渠 九石一斗八升

城南堡 五石一斗

西南鄉

杜邨 八十七石七斗四升一合四勺
侯冀邨 六十三石三斗六升八合九勺

梁趙邨 六十三石三斗六升八合九勺
胡邨 五十八石四斗九升四合三勺

道虎壁 三十八石九斗九升六合二勺
閻壁邨 十四石六斗二升三合六勺

南良如壁 三十八石九斗九升六合二勺
北良如壁 十四石六斗二升三合六勺

南姚邨

合九石七斗四升九

北姚邨

三十八石九斗九升六合二勺

七洞邨

五十八石四斗九升四合三勺

橋頭邨

四十八石七斗四升五合三勺

曹邨

七十九石六斗八升三合五勺

王智邨

三十四石二斗五升七合一勺

北三狼邨

三十九石九斗七升九合

南三狼邨

二十三石三斗二升一合

淨化邨

一百九石六斗二升三合三勺

梁周邨

二十四石二斗五升七合

豐依邨

三十石六斗四升

西堡邨

十六石五斗五升七合

蘆邨

四十一石四升

南官地

四十一石四升

北莊邨

十三石六斗八升

魚市邨

二十石五斗四升

李世邨

十七石一斗

魏樂邨

四十四石四斗六升

段邨

八十八石四斗五升六合

永城邨

十六石二斗五升九合

軍寨邨

四十三石三斗五升七合

落武邨

二十七石九升八合

林泉邨

三十七石九斗三升七合

弓邨

十五石六斗八合

高靳范邨

四十八石七斗七升六合

堡和邨

十五石六斗八合

常堡邨

七十六石六斗

美邨

三十六石四斗二升

安社邨

三十六石四斗二升

陳西莊

二十三石四斗一升四合

普洞邨

四十六石八斗三升一合

阮廉莊

二十三石四斗一升四合

東北鄉

王家莊

七十三石一斗一升八合

門世邨

三十石四斗六升六合

宋家堡

二十四石三斗七升三合

李家橋

十二石一斗八升六合

賈家莊

六石九升三合

西堡

三十石四斗六升六合

長壽

七十九石二斗一升二合

東堡

二十四石三斗七升三合

郝

十二石一斗八升七合

南政

七十三石一斗一升六合

道備

六十石九斗三升二合

遊駕

七十三石一斗一升八合

侯郭

二十四石三斗七升二合

新莊

十二石一斗八升六合

大閭

儲五里莊等十五邨穀五百三十六石一斗九升七合九勺

襄垣

五十石九斗六升七合六勺

東良

十八石三斗二升七合

西良

十四石二斗七升九合一勺

桑城

九石六斗八升四合

郝喬邨

十七石四斗七升五合

郝溫邨

八石四斗七升七合五勺

郝開邨

五十九石五斗二升五合四勺

長則邨

二十八石四斗五升九合

山湖邨

四十一石六斗八升六合

柏森邨

二十八石九斗四升九合

府底邨

九石九升八合

梁官邨

三十二石五斗一升三合

白城邨

三十八石二升七合

郝洞邨

四十八石四斗七勺

下王邨

十八石六斗一升九合

洪善邨

三十七石二斗三升七合五勺

郝家堡

三十七石二斗三升七合五勺

桑曹冀

三十七石二斗三升七合五勺

西北鄉

達蒲邨

七十五石九升

東北侯邨

西北侯邨

閻家莊

以上三邨四十六石七斗七升八合

劉家莊

儲娃留等十四邨四百十四石三斗一升九合九勺

東張趙

二十石五斗七升九合四勺

西張趙

二十石五斗七升九合四勺

西南良莊

二十七石四斗三升四合二勺

東南良莊

十八石二斗九升二合八勺

西良莊

二十八石五斗八升二合五勺

東良莊

四十五石七斗三升二合

東鳳落

三十二石一升二合四勺

西鳳落

三十二石一升二合四勺

任莊邨

三十二石一升二合四勺

閻長頭

二十石五斗七升九合四勺

靳家莊

五石七斗一升六合五勺

回回堡

二十石五斗七升九合四勺

薛家莊

三十四石二斗九升九合

青樂邨

三十二石一升二合四勺

銀固阜

六十七石四斗五升四合七勺

辛邨

二十七石四斗三升四合四勺

杜家莊

二十石五斗七升九合四勺

蘇家堡

五十石三斗五合二勺

香樂邨

六十二石二斗一升八合二勺

三家邨

二十三石一斗二升八勺

堡則邨

二十一石五斗五升四合

西王智

二十七石三斗一升六合四勺

武坊邨

十五石七斗七升一合

趙坦邨

十一石三斗一升二合四勺

雲家莊

二十九石四斗一升二合二勺

安固邨

三十六石一斗九升九合七勺

陶屯邨

二十九石九斗七升七合八勺

郝家堡

十一石四斗四升

薛賢邨

二十九石六升二合

來城邨

三十三石一斗四升三合

北官地

二十一石七斗

中官地

二十二石八斗八升三合

羌城邨

五十石五斗五合

郝莊邨

九石六斗一升五合五勺

蘇封邨

二十三石一斗三升一合

岳封邨

六十七石八斗五合九勺

豐備倉記

平遙縣爲伊耆氏故都思深憂遠勤儉遺風尙已曉近俗競遂末戶尠蓋藏光緒二年以後全晉荐饑平遙尤甚

朝廷軫念災區發帑撥漕累二三年竭百千萬而不恤直省遐陬迄於異域莫不捐輸助賑而一時

大吏及地方牧令凡所以爲災民謀者無微弗至卒之

平遙之戶十去其三而強議者謂天災之代有何嘗非人謀之不先哉嗣歲屢豐穀價又賤酌盈劑虛苟不於此時加綢繆焉痛定思痛之謂何矣况平遙常平告罄莫知其年社義各倉祗歲動放無餘五年蒙

爵前撫憲曾發欸買穀歸還社倉六千四百餘石分儲各邨以二十萬餘之戶口恃六千三百餘石之倉儲贏者陽也其足恃乎夫小民習於貪天謂歲可常豐也難於謀始謂事可緩圖也年復一年彼滿篝滿車者不常有而無麥無禾者且會逢矣不誠重賴乎上之人與時

消息而調劑哉前縣蒙古錫君循吏也且能用其民遵前後

列憲檄飭奉

汾州府憲林頒發條欵參以陶文毅公江南之法舉辦
豐備倉未及歲事又量擢陽曲去代理者浙江曹大令
其心乎民也一如錫君未五旬而續積者合前得一百
三十餘邨不佞承乏踵而成之蓋自七年秋經始迄八
年夏初闔邑二百八邨除西趙邨秋歉暫緩外計共積
穀六千九百八十六石有奇稟報

列憲奉批接續積儲在案噫其難矣抑不佞尤有慮者
善始者不必善終善作者不必善成天下事大抵然也
而公事爲甚而公事之在於官與民交涉者爲尤甚考
之錫君之舉斯政也各邨發給印簿弁以諭示附以章
程按戶計畝不惟其多惟其均示易從也分邨儲穀不
經於官經於社杜滋擾也懲前愆後美矣備矣第經年
累歲繼長增高督飭查驗者官之道也經收儲放者糾
之責也體察輿情鑒昔酌今暨未便復立倉長以養民
者害民而圖始慮終俾勿壞初基者則又在乎各紳糾

之謹遵章程每歲秋後續積若干開具四柱數目送公和局彙呈縣署以備知其歲入新舊之數而因時查驗焉並俟十年以後積有成數各紳糾權其價值貴則存五糶五秋後買還賤則於二三月間按戶計口均勻分借秋後如數還社每升加半合穀以津貼糶糶出入盤量耗折之需不准加收息穀積少成多推陳易新則庶幾乎豐備之舉窮則變變則通通則久矣將見圖匱於豐者久且雖匱猶豐平之民不且比戶可封有幹有年於陶唐氏之故都而耕田鑿井含哺鼓腹樂

堯天於億萬斯年哉是則不佞樂記其事之心而願以告後之涖茲土者是爲記

權稅

匠價銀一百二十一兩九錢五分

商稅銀六十六兩五錢三分三釐康熙十二年知縣陳以恂清出溢額商稅銀三十三兩九錢九分一釐

酒課銀二十五兩六錢五分

牙帖稅銀一百二十一兩六錢康熙十二年知縣陳以恂清出在邨下等小牙稅銀七十兩二錢

通鼎三
當鋪稅銀一百八十兩 係活稅

權稅續編

原額商稅銀六十六兩五錢三分三釐

溢額商稅銀三十三兩四錢九分一釐

摻賞酒課銀二十五兩六錢五分

田房稅契正銀二百二十兩二錢六分四釐

盈餘銀二百四十五兩六錢九分四釐

牲畜稅正額銀二百四十三兩七錢二分

盈餘銀八十六兩不等

當商稅銀四十兩

每當鋪稅銀五兩按年當鋪增減稅多寡不一

牙稅銀二百一十七兩

鹽法

原額歲發鹽引一千三百三十五張額徵稅銀五百三十一兩五錢二分後鹽課改歸地糧徵收現在無官

鹽商

物產

土貢附

楊公廷謨曰禹貢冀州厥土中上周禮并州其利布帛遙固并冀屬邑而物產獨少繭絲魚鹽不及上黨河

東騏驎水利不及屈產介汾卽陶冶布葦之微亦不敢望鄰邑地力之磽瘠若此聊載蔬禾雞犬之類以俟裁成輔相樽節愛養者之觀采也

穀

黍軟硬二種硬可煮飯軟可釀酒稷大小二種粱粒細色白粟紅黃白黑四種葛軟硬
二麥有來麩二種有冬種春種蕎麥 匾豆 黑豆 豌豆 紅

豆 小豆 蔴子 油麥 燕麥 葫蔴

蔬

韭 葱 芥 芹 茄 蒜 苔青白二種 蒿 莖 芫 荽

蓴菜 蔓菁 蘿蔔 白黃水三種 茗蓬 藤蒿

瓜

西瓜 甜瓜 王瓜 東瓜 南瓜 絲瓜 瓠子

葫蘆 菜瓜

果

李 紅黃二種 柰 桃 杏 棗 梨 間有湯渣 核桃 葡萄

石榴 沙果 榛 蘋婆

草

葦 蘆 蒿 稂 莠 菅 苜蓿 馬連

木

松 柏 榆 柳 棗 椿 楸 槐 桑 楊

欖 樺

花

菊 黃白紅三種 葵 大小二種 萱 玉簪 鷄冠 刺梅 芍竹

扁竹 米殼 粉團 山丹 金盞 紅花 夜合

牽牛 白藍二種 水紅 五十樣錦

鳥

鵝 鴨 鴿 河鴨 鷄 家野二種 鷹 雀 鵲 烏鴉

鳩 黃鸝 元鳥 石鷄 華虫 鵲 鶉 鳩

梟 落浦 水老鴉

獸

馬 牛 騾 驢 猪 犬 兔 羊 狐狸

獐 狼 猫 鼠 田鼠

蟲

蠶 蠋 蟬 螭 蛙 蟻 蛇 蝎 蜂 蚯蚓

蝮 蠍 伊威 蜘蛛 蝨 斯 螺 羸 蝸 牛 螟 蛉

蝴蝶 蜻蜓 蚰 蜒 蛻 蝦 白 蟲 螭 蝥 蝨 賊

藥

藁本 藜朮 牛黃 蓮翹 荊芥 五靈子 艾

葉 蒼耳 瓦松 益母 薄荷 枸杞子 白蒺

藜 地骨皮 甘草 兔絲子 天仙子 車前子

桑白皮 郁李仁 紫花 地丁 小茴香

貨

絹 絲 蔴 繭 硝 鹽 麤布 襪 巾帽

錫 蔴油 鹽貨 柳器 蜜 黃蠟 錠大小二種 鐵

器

物產補遺

穀

疆豆

有紅白
黑三種綠豆 有大小
二種

蔬

白菜

菠菜

俗名
青菜薤 花葉類
韭花白可食

瓜

黃瓜

果

無花果

草

蓬 甜 苣 苦 苣 刺 苣 刷 布 草 鎖 眼 草 即水賊

稗 麻 虎 尾 大 碗 花 芝 麻 草 酒 罇 花 羊 耳

朵 灰 藿 埽 帚 抵 草 蒺 藜 盆 盆 子 甕 甕

草 瓦 松 俗名瓦稜草

花

刺 藤 蛾 兒 花 翠 雀 花 茜 草 花 即鳳仙花 洋 牽 牛

花紅 洋 海 棠 花有紅黃白色

藥

銀花草 蒲公英

土貢

麂皮五十七張

綿羯羊三十六隻

核桃二千斤

藁本三十五斤

酸棗仁四兩三錢

麝香四兩三錢

牛黃二錢八分

連翹五十斤

五靈脂八斤

猪苓五斤

焰硝十斤

郁李仁四兩三錢

以上各項與舊志不符俱照奉文節年裁扣數開載

平遙縣志

卷之三

論曰陶地水崩沙淺生理鮮薄民生其閒終歲勤勞
畊耘之外唯有紡織而貢賦錯然不一而足且地當
孔道供應非一爲之下者不亦難乎用一緩二是所
望於良司牧也



